



In sabeda ai 15 de novëmber él gnü sughé la partida de retüda de Copa Provinzia sön le ciamp

a Niederdorf cuntra la squadra de cíasa. Devënta tlera por le Niederdorf, che à la miù sön la formaziun ladina por 3 a 0.

Do la devënta por 2 a 1 al'andata, se presentëia i ghesć ladins cun trö massa pücia convinziun a passè le turno a Niederdorf. Dandadüt le pröm tēmp é da desmentié, cun l' asēnza de agressivité y tröc iadi fora de posiziun, daulach i avversars à plö iadi anuzé le dērt mumēnt por jì cuntra porta. Le gol toma do 20 menüc, sön na trata dal ciantun deviëia le defensur ladin le pal te súa porta, le portier Julian pro cíamò de la trà demez mo abina le pé de porta, la cogora rōia spo te rēi por le 1-0. Püces é les ocajiuns da recordè por La Val, la squadra jona mēss se sotmēt al jüch avversar, dandadüt a mezćiamp. Al sciür dla palsa él Floriani che mēss sostituì 3 sógadùs a gauja de s'avēi fat me.

Ti secundo tēmp é la determinaziun indo sön le cíamp. I ladins ne se fej nia plö pressè y se alza, inće cun val bela contlujun te porta. Te n iade spo na ripartēnza avversara, le atacant i passa le palê al limit dl'area al cumpagn, cun na bela trata de prezijiun sighlëia chēsc le radopl por le Niederdorf. Le terzo y ultim gol toma atira dedo, te n gran cajin amez area, vëgn le atacant da Niederdorf metü a tera dala defenjiun ladina, le önescmetri ne vëgn nia metü in descusciun. Le capitan trasformëia le önescmetri y mēt le resultat al sigü. I atacanc les pro cíamò cun vigni meso de arjun le gol, mo decuntra é ince le arbiter, che naota lascia proseguì le jüch sön fai evidēnc y plö tert ti mostrel la cherta cöcena a Michi y Marco por protesta, le nervosism di sógadus é stè chilò de colpa. Le alenadù Floriani mēss inće lascè le cíamp da jüch. Ma plö püc menüc dala fin y nia ne và plö da trà fora, i sógadus lascia le cíamp batüs y m
ë
ss ti surandè le pasaje dl turno ai avversars. La Val va s
ë

gn tla palsa lungia da d'invern y metarà spo indo man de furà cun la preparaziun al campionat.

Niederdorf - La Val : 3-0

Formaziun La Val: 1. Julian Moling, 2. Martin Ploner , 3. Luca Pescollderungg, 4. Paolo Vallazza, 5. Marco Castlunger, 6. Stefan Sottara – capitan, 7. Felix Nagler, 8. Michi Frenes, 9. Adrian Miribung, 10. Marco Sottara, 11. Alex Elzenbaumer

Sostituziuns:

Egon Frenes gnü ite imped Martin Ploner (45[^] menüt)

Alexander Miribung gnü ite imped Adrian Miribung (45^ menüt)

Max Nagler gnü ite imped Felix Nagler (45^ menüt)

Andreas Miribung gnü ite imped Luca Pescollderungg (70^ menüt)

Insëra, mercui ai 23 de aurì é l gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitè portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.